

اسم الله الوكيل | #معرفة_الله | د. أحمد جلال

أحمد جلال

اعوذ بالله السميع العليم من الشيطان الرجيم. بسم الله الرحمن الرحيم الحمد لله رب العالمين والصلاة والسلام على اشرف المرسلين سيدنا محمد وعلى اله وصحبه ومن تبعهم باحسان الى يوم الدين اما بعد - [00:00:00](#)

اولا انا اشتقت جدا للدرس ولكم والله. يعني ويعلم الله ان وانا في قلبي بالحرم يعني واحد كان دايمًا بيدعي لكم كثير والله. واسأل الله سبحانه وتعالى يعني الا يحرمنا ابدا من شرف الدعوة اليه - [00:00:20](#)

ولا يحرمنا ابدا من مسل هذه اللقاءات. اللهم امين. ولا يحرمنا ابدا من الحديث عنه سبحانه وتعالى آآ اليوم باذن الله تبارك وتعالى حبيب ابدأ كلامي عارف آآ وانت بتقول اذكار الصباح والمساء. بتقول يا حي يا قيوم. لا اله الا انت برحمتك - [00:00:40](#)

استغيت اصلح لي شأني كله ولا تكلني الى نفسي طرفة عين ولكن تولى انت امري. معنى لا تكلني الى نفسي طرفة عين. لا تكلني من التوكل. يعني لا تكلني الى - [00:01:10](#)

النفس ما تخليش النفس هي الوكيل علي. ولكن كن انت الايه؟ كن انت الوكيل. الله اللهم دبر لنا فانا لا نحسن التدبير واختر لنا فانا لا نحسن الاختيار. آآ كنا عملنا مسابقة هنا في المسجد في حفز وتفسير سورة النور - [00:01:30](#)

وكنا عملنا جايزة عمرة للي هيطلع الاول. حد من اهل الخير من اللي قاعد وسطنا الان قالوا ليه تكون عمرة واحدة ما تخلي عمرة للشباب وعمرة للايه؟ وعمرة للبنات. وبالفعل كانت المسابقة في عمرة للشباب وفي عمرة للبنات - [00:01:50](#)

وانا بعلم اوراق البنات اوراق ما شاء الله كان في بنات ما شاء الله متميزة جدا ممتازة جدا فعلا. صفر تقريبا على سبع تمن وورقات دول ما شاء الله لا قوة الا بالله حاجة جميلة جدا. فانت - [00:02:10](#)

حاول بقى تصفي علشان تعمل غربلة كده علشان تختار بقى الاولى. فالسبعة خلتهم خمسة. وبعد كده الخمسة عملت قرعة فانت طلعت اتنين. وبعد كده الاتنين دول انت عملت اختيار كده عملت يعني انا خليت زوجتي تواصلت مع البنيتين - [00:02:30](#)

يا ترى آآ نعمل قرعة وواحدة بس اللي تطلع عمرة والثانية تبقى المركز الثاني ولا تقسمه العمرة بالنص بينكم انتم الاتنين؟ كل واحدة تاخذ نص عمرة فالاتنين اتفقوا وقالوا خلاص كل واحدة منا تاخذ ايه نص عمرة دي قالت انا انا زوجي هيطلع معي ودي قالت انا ايه - [00:02:50](#)

انا آآ انا هاطلع ولدي. وهي من باب البر والاحسان جزاها الله خيرا. اتبرعت بالعمرة لمين؟ لوالدها ولده طلع معنا العمرة. الحمد لله ما شاء الله عملوا العمرة حاجة زي الفل ما شاء الله - [00:03:10](#)

لما وصلنا مكة عمل عمرة كمان تانية. ما شاء الله لا قوة الا بالله. جه اخر يومين تعب شوية تعب منّا في المطار. وصلنا خميس ما اجمل ان يكون الله وكيلك - [00:03:30](#)

ما اجمل ان يكون الله وكيلك؟ ما اجمل ان يكون الله سبحانه وتعالى او ان يكون الله سبحانه وتعالى حسبيك ما اجمل ان ربنا يتولاك ويدبر لك الامر. ان ربنا سبحانه - [00:03:50](#)

وتعالى من وسط الكم الهائل ده يعني كان عدد الناس اللي شاركت في قلب الامتحان قرابة الخمسة وثمانين مشترك في مسابقة سورة النور ان القرعة ترسى على خلاص من وسط البنات على سبعة سبعة بقوا خمسة بخمسة بقوا اتنين. الاتنين كل واحدة بتاخذ نص عمرة واحدة منهم تتبرع بعمرتها لوالدها. والدها - [00:04:10](#)

هيعمل معنا العمرة يرجع من العمرة طاهر ابيض نضيف. علشان يلقي الله عز وجل بعد العمرة ابيض من من الثلج ما شاء الله لا قوة الا

بالله. ان ربنا سبحانه وتعالى يدبر لك الامور ويتولاك بهذه الصورة. عمرة - [00:04:30](#)

عجيب امر عجيب. ولكن لما تعرف ان الله سبحانه وتعالى سمى نفسه الوكيل اي الذي يتولاك. يا رب دبر لنا فانا لنحسن التدبير رب توكلنا عليك انت مولانا انت حسبنا ونعم الوكيل. ما اجمل ان انسان منا - [00:04:50](#)

فعلا يتخذ الله سبحانه وتعالى وكيلا. ما اجمل ان تكون من اوائل الاوامر اللي ربنا يقولها للنبي فاعبده وتوكل توكل وتوكل عليك. رب السماوات والارض وما بينهما ها فاعبده وتوكل عليه. توكل على الله سبحانه - [00:05:10](#)

وتعالى موقف ان ربنا يختار له الصورة دي تفتكر على طول بقى حديث النبي صلى الله عليه وسلم ان الله اذا احب عبدا غسله. وفي رواية طهره. قالوا يا رسول الله وما غسله؟ قال يفتح له عند موته بعمل صالح ثم يقبضه عليه - [00:05:30](#)

اختنا اللي نجحت دي مش من المنصورة. ولا من جوالي المنصورة ولا من المحافظة اصلا خالص. ده من محافظة تانية وما بتحضرش معنا الدروس. ده هي لاول مرة بتسمع عن المسابقة والدروس العلمية في المسجد من صاحبها اللي معها في الكلية. قالت خلاص انا اجي اشتراك معكم - [00:05:50](#)

اشتركت حضرت الدورة اي تدبير ده؟ ايه التدبير ده؟ ربنا سبحانه وتعالى اذا احب فدبر الله له يعني فعلا فعلا احنا محتاجين الدعوة دي. اللهم دبر لنا فانا لا نحسن التدبير. واختر - [00:06:10](#)

فان لا نحسن الاختيار. جميل ان ربنا سبحانه وتعالى يشرفك ان يكون الله عز وجل وكيلا لك. ده الموقف الاول اللي فتح علي بموقف ثاني. قد ايه ربنا سبحانه وتعالى لو شرفك بان يكون وكيلا لك - [00:06:30](#)

بما قدمت انت من عمل صالح؟ فكان الله وكيلا لك يدبر الله لك تدبيرا ما يخطر لك ببال. من ست في سبع تمان سنوات كنا في عمرة. خلصنا العمرة وقعدنا يومين في مكة اليوم الثالث. انا راجع من الحرم بعد صلاة العشاء - [00:06:50](#)

فلقيت حد من اللي كان معنا اخت من الاخوات الكبيرة في السن من اللي كانت معنا في العمرة وانا داخل الاوتيل كده داخل الفندق بيتنادي علي يا شيخ يا شيخ - [00:07:10](#)

في واحدة في الدور عندنا في الدور العاشر بتموت. انا بغسل وعارفة والله والله دي علامة احتضار. تقعد طلعلنا في الاسانسيرات خد جري بس سبحان الله اول ما وصلنا حاولنا نعمل اي حاجة نلقينا الشهادة ولكن كان شاء الله سبحانه وتعالى ان ماتت هذه المرأة - [00:07:20](#)

ستين خمسة وستين سبعين في الحدود دي كده. فسبحان الله كلمت بعض اخوانا كده من اهل مكة عشان عايزين بقى نعرف الاجراءات نعمل ايه كنا ليلة جمعة كمان. وبكرة جمعة وصلاة جمعة والملايين هيبقوا في الحرم. فالمهم سبحان الله وانا بعمل اتصالات

باحبابنا في - [00:07:40](#)

علشان نشوف الاجراءات ايه لقيت زوجها داخل علينا. وشايل بقى عيش وجبنة ومش عارف ايه وحاجة ساقعة وعصير وفاكهة وداخل علينا ايه في ايه في ايه في ايه؟ فانا خدته كده في جنب كده واحتضنته وقلت له انا لله وانا اليه راجعون. ربنا اختارها ان

هي تموت في هذا المكان الطاهر ومش عارف ايه - [00:08:00](#)

وهو كان انسان يعني احسبه كان بيحب زوجته. قعد يبكي بكاء شديد وازاي ومش ازاي؟ ده احنا لسه مخلصين العمرة والله من ربع ساعة بس. ده انا سبتها وقلت لها اطلعي انت ريحي فوق في الفندق هجيب العشاء واطلع لك. يعني قعدت اصبه - [00:08:20](#)

كده بايات الصبر والاحتساب فكرته بتوبي ان ربنا يعني تولى هذه المرأة انه يقبضها في هذا المكان هم كانوا من المغرب فتشوف بقى معنى اسم الله الوكيل. ان ربنا سبحانه وتعالى يتولى امرك. ان ربنا - [00:08:40](#)

يشرفك انه يكون وكيلا لك. ربنا سبحانه وتعالى يا اخواني الاخ ده بيقول لي او الوالد الكريم ده بيقول لي يا ابني احنا من المغرب وهي كانت نفسييتها مدايقة شوية فقالت لي انا عايزة يعني اخرج من الجو ده فقلت لها خلاص انا اعرف ان فيه رحلات في مصر في

شرم الشيخ - [00:09:00](#)

شيخ كويسة نطلع على شرم الشيخ. وبالفعل طلعلنا شرم الشيخ. وقعدنا فيها يومين. وهي قعدت تقول لي لأ الجو هنا مش حلو انا

مش مستريحة. انا مش راضية عن الجو اللي انا فيه ده. انت جاييني في فندق فيه خمور وفيه عراة وفيه مش عارف ايه. انا مش راضي ابدأ عن الجو ده. طب اعمل ايه - 00:09:20

طلعتي عمرة. عمرة يعني يعني انا لسة هروح القاهرة. ومن القاهرة اروح السفارة المغربية. واطلب تأشيرة عمره وعلى ما بتيجي والكلام ده تقول له ما ليش دعوة انا لازم اطلع من العمرة. بيقول لي يا ابني والله الكلام ده من ثلاث تيام - 00:09:40
كان بالليل ثاني يوم الصبح طلعت على القاهرة دخلت السفارة المغربية وطلبت منهم تأشيرة عمرة وسبحان الله ربنا سبحانه وتعالى قدر ثاني يوم كانت التأشيرة موجودة. وجينا هنا علشان نعمل العمرة. ولسه عاملين العمرة من دقائق والله - 00:10:00
عايزك تساعدني بحاجة. تعرف لي بس الاجراءات ازاى اخدها على المغرب تقول ده لا يمكن ده احنا الليلة دي ليلة جمعة يعني بكرة في صلاة جمعة. يعني الحرم يبقى فيه ملايين. عايزين الست دي ربنا يكرمها كده يصلي عليها - 00:10:20
ادفن هنا في مكة. قال لي ولادي يهدلوني. ولادي انت ما تعرفهمش يعني شخصيات قوية ويعملوا لي مشكلة. قلت له كلمهم لي وسبحان من الان قلوب هؤلاء الشباب لكلامي. ووافقوا ان الام يتصلوا عليها وتدفع في مكة - 00:10:40
وسبحان الله كانت صلاة جمعة من ازحم ما رأيت في حياتي. وكل الملايين دي تصلي على الام الطيبة دي وتدفع في مكة. امر عجيب. امر عجيب ان ربنا سبحانه وتعالى يتولاك. ان ربنا - 00:11:00

سبحانه وتعالى يدبر لك امرك. ان ربنا سبحانه وتعالى يشرفك من دون الخلق انه يكون وكيل لك الوكيل بتاعك هو الذي يتولى امرك. ويدبر شأنك. ابوك اسمه الوكيل. لان هو اللي بيرعاك ويجهز لك - 00:11:20
اكلك ويجهز لك شربك. ولو في يوم من الايام واقع في مشكلة الاب ده هو اللي بيساعدك للخروج من المشكلة. هو ده معنى الوكيل كل انسان منا لو في يوم من الايام الوكيل بتاعه كان مستوى عالي في المجتمع ما بيقاش خايف. يعني - 00:11:40
واحد الوكيل بتاعه لواء شرطة او لوا جيش ما بيقاش خايف. لو واحد في يوم من الايام الوكيل بتاعه محافظ ولا وزير مش هيبقى خايف لو في يوم من الايام واحد كان الوكيل بتاعه رئيس جمهورية ولا امير ولا ملك عمره ما هيبقى خايف. اما المؤمن الصادق فلا - 00:12:00

الخوف الى قلبه ابدأ لانه علم ان الوكيل هو من؟ هو الله سبحانه وتعالى. ابراهيم عليه الصلاة والسلام اللي عاش مع اسم الله الوكيل. ابراهيم قومه يأخذوه كده وهيرموه في النار. وكما قال ابن عباس رضي الله عنهما كان - 00:12:20
اخر ما قال ابراهيم حين القي في النار حسبي الله ونعم الوكيل. وكيل ربنا سبحانه وتعالى بسم الله الوكيل بينادي على كل انسان في يوم من الايام اتظلم. على كل انسان في يوم من الايام اسير محبوس - 00:12:40
المن على كل انسان في يوم من الايام رئيس او قاضي او او زابط او انسان في يوم من الايام ظلمه ظلم بين ومش قادر ياخذ حقه اسم النهاردة بينادي على كل زوجة في يوم من الايام زوجها ظلمها ومنعها حقها. اسم الله الوكيل لكل فقير او لكل ضعيف - 00:13:00

او لكل محتاج تسلط عليه في يوم من الايام ظالم. اسم الله الوكيل بينادي على كل انسان محتاج لربنا. ربنا سبحانه وتعالى وكيلك. قدم انت العمل الصالح علشان ربنا يشرفك ان يكون وكيل لك. مهما كان ضعفك - 00:13:20
مهما كانت حاجتك ومهما كان الانسان منا ضعيف اعلموا يقينا ان الله وكيل. والوكيل هو الناصر قيل هو الكافي. الوكيل هو الرازق. الوكيل هو الذي يدفع عنك. اصحاب النبي صلى الله عليه وسلم الان لسه مصابين ببلاش - 00:13:40
شديد بدأ أحد. بدأ أحد. سبعين واحد من الصحابة قتلوا. بكرت بطونهم وقطعت اذانهم وانوفهم متبهدين. باقي الصحابة بين انسان يعني مصاب ببلاء ومصاب بشدة نفسية او مصاب بجراح شديد - 00:14:00

ايه ده؟ اول ما وصلوا المدينة عايزين نستريح شوية. يعلموا ان ابا سفيان لف بالجيش بتاعه علشان المرة دي خش المدينة لا يبقى احد مش هنموت سبعين. لن نبقي احد من المسلمين داخل المدينة. وتصل الاخبار للمؤمنين في حالة الضعف - 00:14:20
المسكنة وحالة الوهن اللي اصابتهم في هذا الوقت. الذين قال لهم الناس ان الناس قد جمعوا لكم فاخشو ده لفه لكم مرة تانية.

فأخشوهم فزادهم إيماناً وقالوا ها حسبنا الله ونعم الوكيل. 00:14:40 احنا وكلنا -

انا وكيلى ربنا الكلمة اللي بنسمعها من ابائنا وامهاتنا لما زمان في يوم من الايام كانوا اتظلموا تنادي على الظالم قل له انا وكيلى ربنا.

كلمة تهديد لكل انسان في يوم من الايام ظلم كلمة تهديد وكلمة امن - 00:15:00

توأمنا لكل انسان في يوم من الايام اتظلم. لسة امبارح اخت من اخواتنا بتكلمني زوجة توفي وهي قاعدة في بيت عيلة. وللأسف

العيلة كلها للأسف من اسوأ ما يكون مش الزابط المؤدب المحترم لأ زابط سيء ظالم. مش المستشار - 00:15:20

قدم المحترم لا مستشار ظالم. في عز ما احنا بندفن اخوهم. اللي هو زوجها تقول كسروا او اخذوا كل شئ فلوس وذهب. خدوا كل

حاجة. ظلموا تجبروا سيروا الدنيا اخر بهدلة. ارفع قواضي. طبعا دول مستشارين. انتم عارفين الدنيا ماشية ازاي - 00:15:50

اللي زبطوا القواضي مع المستشارين زمايلهم والقضاة زمايلهم. والزابط اللي فيهم زبط محاضر وعمل وسوى. في الاخر ما عرفتش

اخذ علبه مناديل من قلب الشقة بتاعتي. ده غير القواضي والمحاضر اللي عملوها ضدي والاشياء الكيدية انا على كده - 00:16:20

بقى لي سنتين قلت لهم بصوا خدتوا الحاجة ما خدتوهاش. انا اعلم ان ربنا سبحانه وتعالى ما بتضعش عنده حقوق خدتوا الحاجة

في الدنيا هاخذها يوم القيامة كاملة. بصوا حقيقة انك تؤمن ان ربنا وكيل حقيقة الوكيل - 00:16:40

كما قال اهل العلم التوكل معناه الثقة في الله. دي حقيقة التوكل. لما نقول انا متوكل على الله معناه انا اثق في الله سبحانه وتعالى.

بتقول وانا كلي يقين وثقة في الله سبحانه وتعالى ان الله سبحانه وتعالى لن يضيع - 00:17:00

اعلي حقي قل صوفي اللي فات ده كانت فيه قضية. كانت فيه قضية وناس من اهل الخير ناس من اهل الخير خلوا علشان نحل

الامور وادي. فبكل يعني كل كبر. كل جبروت. وبكل يعني ظلم - 00:17:20

يقولوا للناس لا والله احنا رايعين نتفصح شوية في مارينا. سبها كده تتحرق يوم ورا الثاني. احنا هنخلي المحامي يأجل القضية لحد

ما نيجي ان شاء الله. عشان احنا احنا نروق عن نفسنا شوية سبها هي تولع في نفسها كمان وكمان - 00:17:40

وهي تقول انا قلبي كله ثقة ان ربنا سبحانه وتعالى مش هيضع الامور. ركبوا العربية الاخ المستشار والاخ الزابط وبعض اولاد دول

طالعين على عربيتين. وعلى الطريق وهم رايعين الساحل. العربيتين اتقلبوا. الولد منهم اللي هو الحبوب بتاع العيلة بقى -

00:18:00

الولد بينزف من كل حنة في جسمه. وابوه يقوم بقى وهو مدغدغ بيروح عشان الولد يبص على الولد يقول له ده ده نتيجة سكة اللي

انتم عملتوه في زوجة عمي. ده الظلم اللي انتم ظلمتوه اهو طلع علينا. وبيقول شف فاكرين - 00:18:20

لما كانت بتقول الواد بيقول وهو بيموت بيموت بيقول فاكرا لما كانت بتقول حسبنا الله ونعم الوكيل ربنا مش هيسيبكم وهيخلص

منكم؟ اهو خلص فينا واول واحد بيتخلص منه انا. حسبي الله ونعم الوكيل فيكم. يقول انا يعني ومات الولد - 00:18:40

والزابط والمستشار فضلوا عايشين بس شاء الله عز وجل يفضلوا عايشين علشان يشوفوا المرات ده. بتحكي لي الكلام ده شعر جسمي

كله مش قادر اسيطر اصلا على يعني ايه ده! وبعدها يججوا يقولوا لها يا بنتي بصي عفشك وحاجتك - 00:19:00

شقتك وفلوسك ومعاش ومؤخر وكل حاجة خدي كل حاجة. خدي كل حاجة خلاص. بتقول بعد ما ظنيت ان لكل شئ انتهى. خلاص

مش هفوت شئ اصلا. ولكن ان ربنا يدبر لك. وان ربنا سبحانه وتعالى يكون وكيل - 00:19:20

لا يظلم عند الوكيل احد. ممكن تتظلم وابوك عايش؟ لا يمكن. ولله عز وجل المثل الاعلى. الله عز وجل هو الوكيل. مهما كان اللي

قدامك على جبروت وظلم وبطش شديد الله وكيلك. اسأل الله سبحانه وتعالى - 00:19:40

على ان يكون وكيلنا لاخواننا في الشام في سوريا. وان ينتقم من طاغية الشام وان يرينا فيه الله عز وجل عجائب قدرته. هو واليهود

الملاحه لذا كان انبياء الله صلوات ربي وسلامه عليهم مهما كاد لهم اهل الكفر واهل الباطل - 00:20:00

كانوا يعني قلوبهم تزداد طمأنينة مع اسم الله الوكيل. شف نوح عليه الصلاة والسلام اخوانا حسبي الله ونعم الوكيل مش كلمة تتقال.

لا والله ده ده حياة. حياة تخلي قلبك مطمئن - 00:20:20

عليه الصلاة والسلام واتل عليهم نبأ نوح. ان قال لقومه ان كان كبر عليكم مقامي وتذكيري بايات الله. فعلى الله ان توكلت فعلى الله

توكلت نوح عليه الصلاة والسلام الذي صبا عليه جم غضبهم - 00:20:40

عارفين قول الله سبحانه وتعالى انك ان تذرهم يضلوا عبادك ولا يلدوا الا اية؟ فاجر كفارة. سبب نزول الاية دي كما قال ابن عباس

كان رجل من قوم من قوم نوح اول ما يولد له طفل صغير بقى عنده سنة اتنين يشيل - 00:21:00

شيل الطفل الصغير ده على كتفه ويعطيه حجرا. وياخد الطفل على كتفه ويروح على نوح يقول له اضرب هذا الرجل في الحجر في

رأسه. نوح واقف بيصلي فيلاقي الحجر جه في دماغه. لتشج الرأس وينزف دم من نوع - 00:21:20

الصلاة والسلام. يعني بيشرّبوا ولادهم الجبروت والطغيان. بيشرّبوا ولادهم الظلم. بيشرّبوا ولادهم معادة الانبياء والمرسلين. ان كان

كبر عليكم مقامي وتذكيري بايات الله فعلى الله توكلت شف بقى واحد واقف لوحده قدام الجبروت ده كله. فاجمعوا امركم

وشركاءكم ثم لا يكن امركم عليكم - 00:21:40

امة ثم اقضوا الي ولا تنظرون. اني توكلت على الله. انا متوكل على الله. جمعوا نفسكم وجمعوا اعدادكم وابنائكم وابناء ابناءكم

وعائلتكم وقبائلكم كلكم اتجمعوا. وافوا وانا لوحدي قدامكم وحدي. ولكن انا مع ربي سبحانه وتعالى اني - 00:22:10

توكلت على الله. انا مع ربنا سبحانه وتعالى. الله عز وجل هو وكيلي. كانت النتيجة اصاب هذا التوكل والثقة في الله اعملوا كل اللي

انتم عايزين تعملوه. هاتوا الكيد والمكر اللي ربنا قال في شأنه وان كان مكرهم لتزول منه - 00:22:30

في الجبال كانت النتيجة قال الله ففتحننا ابواب السماء بماء منهمر. وفجرنا الامر وفجرنا الارض عيونا. فالتقى الماء على امر قد قدر

وحملناه على ذات الواح ودسر تجري باعيننا جزاء لمن كان كفر - 00:22:50

لكن جزاء نوح عليه الصلاة والسلام. والله يا اخواني لو رجعنا بالزمن ورا شوية وتعالوا نقرب لكم الصورة. رئيس جمهورية ظالم قاتل.

بيقتل في شعبه. وكل اللي يخالف يقتله ويصفيه ومعه القوة والجيوش والعتاد ومعه قاعدة شعبية كبيرة جدا وانت لوحده -

00:23:10

او انتم مجموعة بسيطة للأسف خرجت من ايديكم مش قادرين ما فيش معكم اسباب قوة اصلا. ولكن التوكل على الله. التوكل على

الله. سيدنا نوح قايم وبيقول له بيقول لهم فاجمعوا امركم وشركاءكم - 00:23:40

احملوا اللي انتم عايزينه. توكل كانت ثمرة التوكل ده ان الله عز وجل اعطاه ما اراد لا فوق اهلك هؤلاء لا تذر على الارض من الكافرين

ديارا ما بقى على الارض كافر بعد الطوفان. ونوح عليه الصلاة والسلام - 00:24:00

نجى الله نوح ومن كان معه. سبحان الله! واما ابراهيم عليه الصلاة هو سيد المتوكلين على الله سبحانه وتعالى. حد كده من

اللي حياته كلها توكل؟ حياته كلها ثقة في موعود الله عز وجل - 00:24:20

حياته كده من كتر ما سيدنا ابراهيم عايش توكل ما شاء الله لا قوة الا بالله كانت النتيجة ان التوكل ده وصل لاولاده وصل لزوجته

ابراهيم عليه الصلاة والسلام يعني يصل الان الى مكة ومعه زوجته ومعه ابنه. سيبهم هنا - 00:24:40

سيبوا امنا ازاى يعني؟ ده ما فيش حد. لا انيس ولا جليس. طب ممكن ما يكونش فيه انيس وجليس؟ بس فيه اكل وفيه شرب. لا ما

فيش لا اكل ولا شرب. طب اي شيه من مصادر الحياة ما فيش اي شيه من مصادر الحياة. طب هيعيشوا ازاى؟ هو مش ربنا قال لك

سيبهم هنا - 00:25:00

وتجري هاجر خلف ابراهيم وتقول يا ابراهيم يا ابراهيم الله امرك بهذا؟ هو ربنا اللي امرك بده ابراهيم عليه الصلاة والسلام مش قادر

يتكلم فاشار برأسه. يعني ربنا سبحانه وتعالى امرني بكده. يا عم عبدالله. فما - 00:25:20

مكان الا ان قالت اذا لن يضيعنا ربنا ما يضيعناش. سيدنا ابراهيم يخرج بس خطوات يسيرة كده وينادي على ربه الوكيل ربي اني من

ذريتك بواد غير ذي زرع عند بيتك المحرم ربنا ليقيموا الصلاة. فاجعل افئدة من الناس تهوي اليهم. ثقة - 00:25:40

توكل انك فعلا تتوكل على الله سبحانه وتعالى. وتعلم ان الله سبحانه وتعالى لا يضيعك معلش انا هستأذن بس الاخوات يلبسوا النقاب

حد بس هيخش يركب سماعة لهم مكان السماعة اللي عطلت بس. ففي حد هيخش بس يركب السماعة - 00:26:00

اليقين يا اخواننا اليقين والثقة في الله حسن التوكل على الله سبحانه وتعالى سيدنا هود عليه الصلاة والسلام. كل قومه وقفوا امامه

وقالوا له ان نقول الا اعتراك بعض بعض الهتنا بسوء قال اني اشهد الله واشهده اني بريء مما تشركون - [00:26:20](#)

اني بريء مما تشركون من دونه فكيدوني جميعا ثم لا تنظرون. اني توكلت على الله ربي وربكم ما من دابة الا هو اخذ بناصيتها. ان ربي على صراط مستقيم. نفس الكلمة - [00:26:50](#)

كيلو انقروا اعملوا كل اللي انتم عايزينه. ربنا سبحانه وتعالى وكيل. وشعيب عليه الصلاة والسلام قال الملاء الذين استكبروا من قومه لنخرجنك يا شعيب والذين امنوا معك من قريتنا. او لتعودن في ملتنا - [00:27:10](#)

قال اول كنا كارهين قد افترينا على الله كذبا ان عدلت في ملتكم بعد اذ نجانا الله منها. ومن يكون لنا ان نعود فيها الا ان يشاء الله ربنا وسع ربنا كل شيء علمه على الله توكلنا - [00:27:30](#)

الله توكلنا. ربنا افتح بيننا وبين قومنا بالحق وانت خير الفاتحين. كانت النتيجة نصر عظيم لشعيب عليه الصلاة والسلام وانا جا لشعيب عليه الصلاة والسلام وهلاك لمن كادوا لشعيب عليه الصلاة والسلام. يعقوب عليه الصلاة والسلام حياته كلها توكل - [00:27:50](#) مرت اربعين سنة اربعين سنة مرت على سيدنا يعقوب. ولسه الى الان لم يجد ولده. والمشكلة زادت اكثر واكثر بعد فقد الاخ الثاني ليوسف. فقد اتنين من اولاده. ومع ذلك عنده يقين وثقة في الله غير طبيعية - [00:28:10](#)

توكل يا اخواننا على الله. يقول لولاده يا بني لا تدخلوا من باب واحد وادخلوا من ابواب متفرقة. وما اغني عنكم من الله من شيء. ان الحكم الا لله. عليه توكلت وعليه فليتوكل المتوكلون. بمثل هذا التوكل - [00:28:30](#)

بالتوكل ده اللي ملق قلب يعقوب عليه الصلاة والسلام بعيشة يعقوب مع ربه الوكيل عاد يوسف وعاد اخوه بنيامين وعاش يعقوب عليه الصلاة والسلام مرة ثانية مع الاتنين. والاولاد الباقيين ربنا - [00:28:50](#)

واصلح من حالهم. ايه التوكل ده؟ يعني اربعين سنة ولسه ما يأستش! ده الواحد منا يعني يعقوب اربعين سنة وما ييأسش. الواحد منا لما بيوقع في كرب والكرب ده يمتد شهر اتنين ثلاثة سنة اتنين ثلاثة. آآ يقول آآ انا زعلان - [00:29:10](#)

حلال من ربنا. صح عارفين ليه؟ لان ما فيش ثقة. والله يا اخواننا ان ما فيش ثقة اللي عنده ثقة في الله سبحانه وتعالى لا ييأس ابدًا. النبي صلى الله عليه وسلم من اوائل ايات - [00:29:30](#)

تعالى سورة المزمل. اتخذه وكيلًا. فاتخذه وكيلًا. اتخذه وكيلًا دي النبي فضل يعذب في البلاء تلتاشر سنة في مكة. ولكن كان يعلم ان الله وكيل سيدبر له. وان الله سبحانه وتعالى سينجي - [00:29:50](#)

هو ده هو ده الفهم. انك اوعى في يوم من الايام تيأس او تقنط او تترك التوكل بسبب ان فترة البلاء زادت لا يا ابني والله البلاء ات لا محالة هيجي عفوا الفاتحة ات لا محالة والبلاء اللي انت فيه الان هيرفع لا محالة - [00:30:10](#)

اصبر. اصبر بس. اصبر وشفت فتح ربنا سبحانه وتعالى عليك هيبقى عامل ازاي قال الله سبحانه وتعالى في شأن موسى وقال موسى يا قومي ان كنتم امنتم بالله فعليه توكلوا - [00:30:30](#)

بعد ما خلاص فرعون بقى هدت. هقطع الايدي والارجل الخلاف. اصلي بينكم في جذوع النخل. مش هسيب حد فيكم وهم بكل قلبي اتملى يقين وثقة. اقض ما انت قاض انما تقضي هذه الحياة الدنيا. اعمل اللي انت عايظه - [00:30:50](#)

قالوا فقالوا على الله توكلنا ربنا لا تجعلنا فتنة للقوم الظالمين. ونجنا برحمتك من القوم الكافرين يا رب انت وكلنا ما تضيعناش. اما العاقبة فالله سبحانه وتعالى بعد الايات دي باية - [00:31:10](#)

بسيطة جدا. يقول الله شأني فرعون فالיום ننجيك ببندك لتكون لمن خلفك اية. وان كثيرا من ناسي عن اياتنا الغافلون. ولقد بوأنا بني اسرائيل مباء صدق ورزقناهم من الطيبات اتزلموا. بس كانوا في الطاعة والعبادة متميزين جدا. اختاروا ربنا - [00:31:30](#)

سبحانه وتعالى قلوبهم اتملت يقين وثقة في الله سبحانه وتعالى وفي موعود الله فكانت النتيجة ربنا ادى لهم حاجتين اما الظالم قال الله عز وجل فالיום ننجيك ببندك. يشوفوه كده مرمي قدامهم اقسام لكم بالله وقلبي كله يقين وثقة - [00:32:00](#)

ان كل ظالم فاجر ظلم في الارض وفجر في الارض هتشوفه جثته مرمية في الارض كده ولو بعد حين. توطأ بالاقدام والله لترون ذلك. هتشوفوا نهاية بشاره عاملة ازاي. وتشوفوا المجرم علي عبدالله صالح بتاع - [00:32:20](#)

ما هتبقى نهايته عاملة ازاي وهتشوفوا عاقبة كل ظالم في كل مكان وهو بيوطأ بالاقدام. ده قانون ربنا سبحانه وتعالى بس هي المشكلة احنا في حاجة واحدة احنا احنا لسة مش اهل لكده. المؤمن اذا فعلا اختار طريق الله عز وجل كان صادق كان مجتهد في طاعة الله - [00:32:40](#)

ربنا سبحانه وتعالى كيف سيتعامل معه؟ قمة التوكل على الله ان تكون الثمرة بتاعته ان ربنا يقول فاليوم ننجيك ببدنك بيقول لبني اسرائيل ولقد بوأنا بني اسرائيل مبدء صدقا. انا اعرف حد زميلنا كان معنا في الاوقاف - [00:33:00](#)

اه كل ما شاء الله اخ مجتهد جدا ومتميز جدا وممتاز جدا. وفي مسجد كبير جدا. كاد له احد اخوانه متضايق متضايق ازاي ده هو يكون في المكان الكبير ده؟ وانا وانا مش كده. انا احسن منه. انتم عارفين بقى النفس لما بيخشها الامراض بتاعتها دي - [00:33:20](#) فضل يكيد له. لحد ما في يوم من الايام عمل له مكيدة كبيرة جدا. يعني كان بسببها كاد ان هو يعني هيتفصل الانسان اللي هو الكويس ده. يقول وانا سبحان الله الاخ ده بيقول لي والله العظيم يا شيخ انا ودوني بقى في مسجد ثاني - [00:33:40](#) معي وسووا معي واذوني وبهدلوني وبدأوا يخصموا من المرتب بتاعي وعملوا معي يعني اذوني اذى بالغ جدا. وانا عارف ان المكيدة دي وراها فلان. وكنت تقول دايم حسبني الله ونعم الوكيل. حسبني الله ونعم الوكيل. الله وكيلى في هذا الشخص. يقول سبحان الله! الايام والله هي ايام - [00:34:00](#)

ايام ويبان الحق وتكون المسألة العجيبة جدا انه بعد ما راح بقى الانسان السيء ده راح المكان الكبير يقول سبحان الله! شفت ذل وهوان وهو بيطرده! وانا بارجع لمكاني ثاني. اخوانا ربنا سبحانه وتعالى وكيل - [00:34:20](#) يا اخوانا ربنا سبحانه وتعالى وكيل لازم ربنا سبحانه وتعالى يذل هذا الانسان. بس انت بس اجتهد في طاعة ربنا علشان ربنا يشرفك انه في يوم من الايام يكون وكيل لك. احنا محتاجين دي. انت من البداية اجتهد اولاً في طاعة الله عز وجل. ربنا سبحانه وتعالى يكون وكيلك - [00:34:40](#)

اذا كان ربنا وكيلك شف بقى سبحان الله الانسان منا يبقى قلبه مطمئن جدا طول ما وكيله والده اللي بيحبه والثري اللي اللي هو له مكانة بيكون اطمئن انت بقى اطمئن وكيلك ربنا سبحانه وتعالى. النبي صلى الله عليه وسلم بقى حياته كانت كلها توكل - [00:35:00](#) ربنا كان وكيل النبي صلى الله عليه وسلم. وكيله كان ربنا بيدبر للنبي صلى الله عليه وسلم. ربنا هو اللي بيدبر النبي صلى الله عليه وسلم تدبير ربنا للنبي صلى الله عليه وسلم كان حاجة عجيبة. النبي صلى الله عليه وسلم يا اخوانا عاش حياة - [00:35:20](#) التوكل. على فكرة كلكم بترددوا الكلام بلسانكم بس انا عايز النهاردة يطلع من قلوبكم. النبي صلى الله عليه وسلم كان في قيام الليل بيقول اللهم لك الحمد انت نور السماوات والارض. ولك الحمد انت قيوم السماوات والارض. ولك الحمد انت رب السماوات والارض ومن فيهن. لك الحمد - [00:35:40](#)

انت الحق ووعدك الحق ولقاؤك حق وقولك حق والجنة حق والنار حق. اللهم لك اسلمت وبك امنت وعليك وعليك توكلت. واليك انبت وبك خصمت. بالليل يقول يا رب عليك توكلت - [00:36:00](#)

لما يبجي ينام لما يبجي ينام يقول اللهم اني اسلمت وجهي اليك واياه؟ وفوضت امري اليك. يعني ايه فوضت امري اليك؟ توكلت عليك. والجأت ظهري اليك. يعني ايه الجأت ظهري اليك؟ ها - [00:36:20](#)

دايم عدوك لما يحب يطعنك هيطعنك فين؟ فانت بتقول يا رب امن لي ظهري. والجأت ظهري اليك توكلت عليك الا يصيبني احد بمكروه. كان النبي اذا خرج من بيتي يقول بسم الله ها توكلت - [00:36:40](#)

على الله لا حول ولا قوة الا بالله. سبحان الله! واذا دخلت البيت واذا دخلت البيت كان صلى الله عليه وسلم يقول اذا ولج الرجل جئته فليقل اللهم اني اسألك خير المولد وخير المخرج. بسم الله ولجنا وبسم الله خرجنا. وعلى الله ربنا توكلنا ثم يسلم - [00:37:00](#)

على اهله النبي صلى الله عليه وسلم قال لنا ما تنسوش دايمآ أنك تقول دايم حسبني الله ونعم الوكيل في اشد الاوقات اللي هتمر عليك في عز المحن في عز - [00:37:20](#)

الشدائد قل يا رب يا وكيل. في عز الشدائد وفي عز المحن قل يا رب يا وكيل. النبي صلى الله عليه وسلم وهو بيتكلم عن الدجال عن

المسيح الدجال. يقول ان من بعدكم الكذاب المضل. وانه سيقول انا ربكم - [00:37:30](#)

المسيح الدجال يقول انا ربكم. قال النبي صلى الله عليه وسلم ازاى بقى نتعامل معه؟ فمن قال لست ربنا لكن الله ربنا عليه توكلنا واليه انبنا نعوذ بالله من شرك لم يكن للدجال عليه سلطان - [00:37:50](#)

لم يكن للدجال عليه سلطان. انه افتكر ان ربنا وكيل. بل وفي عز محنة من اشد المحن يوم ان ينفخ في الصوف يوم ما يتنفخ في الصوف. قال النبي صلى الله عليه وسلم كيف انعم وقد التقم صاحب السور السور؟ انعم ازاى؟ وصاحب السور اي صافيل -

[00:38:10](#)

خد القرن اللي هينفخ فيه. ازاى انعم؟ فقالوا يا رسول الله فما نقول يومها نقول يومها ايه؟ فقال النبي صلى الله عليه وسلم قولوا حسبنا الله ونعم الوكيل على الله توكلنا. على الله - [00:38:30](#)

توكلنا وسب ربنا يدبر لك بقى. في عز المحن وفي عز الفتنة في اتنين الدجال ما تنساش الله وكيل. يوم القيامة ما تنساش ان الله وكيل. مع الانسان الظالم ما تنساش ان الله وكيل. اخوانا التوكل توكل انك تعيش ان الله سبحانه وتعالى - [00:38:50](#)
هو الحق الوكيل سبحانه وتعالى ان ربنا وكيلك هو ده الايمان. قال ابن عباس التوكل جماع التوكل جماع الايمان. وكان سعيد بن جبير رحمه الله يقول التوكل على الله نصف الايمان - [00:39:10](#)

انك تتوكل على ربنا نصف الدين. وقال ابو الدرداء رضي الله عنه ذروة الايمان الاخلاص والتوكل. اعلى درجة من درجات الايمان الاخلاص والتوكلي. وقال ابو محمد سهل ابن عبدالله التستري ليس في مقامات الدين مقام اعز من مقام التوكل - [00:39:30](#)
ما فيش اي حد بيوصل له. مش اي حد بيوصل لهذا المقام. مش اي حد ربنا يبشرفه انه يكون وكيل له الا الصادقين المخلصين المنيبين اهل الطاعة اهل العبادة دول اللي ربنا سبحانه وتعالى يشرفهم بمثل هذه الامور - [00:39:50](#)
اشرف بان يكون الله عز وجل وكيلاً لهم. بصوا يا اخواني هو ربنا وكلنا فيها. ها هنتوكل على ربنا سبحانه وتعالى في ايه؟ في كل شيء اول حاجة في ايمانك وطاعتك. اول حاجة في ملك وطاعتك. لو في يوم من الايام ما - [00:40:10](#)
الطاعة ونفسك ربنا سبحانه وتعالى يعينك كده. لو في يوم من الايام خايف من فتنة تسقط فيها. توكل على الله صدقني صدقني. ما تخافش. حد في يوم من الايام بنت في يوم من الايام كانت آآ مشيت مع ولد صورها وكل شوية يقول لها هاقابلك يعني اقابلك والا هاطلع صورة - [00:40:40](#)

صورك عالفيس وهفضحك اتوكلي على الله اسبتي ودعي هذا الامر لله صلي كثير قيام ليل وادعي ربنا سبحانه وتعالى وقل يا رب انت وكيلك شف ربنا هيتعامل معك ازاى. والله يا اخواني انا اعرف حد كان بهذا الحال - [00:41:10](#)
سبحان الله! فضلت تدعو عليه بليل ونهار. وهو يقول لها كانت متزوجة. يقول لها ها؟ هتيجي ولا ابعت الصور؟ لحد ما في يوم من الايام قالت يحرق قلبي اعمل ايه؟ قلت لها اسبتي. قللي له لآ. وهو اجبن من انه يعمل حاجة زي كده. وادعي ربنا كثير. وادعي ربنا كثير. دعت ربنا - [00:41:30](#)

واجتهدت في طاعة ربنا واجتهدت في الدعاء. فعلا قلبها اتملى وكيله. وكانت دايميا يا بنتي قللي دايميا كده. حسبي الله ونعم الوكيل. تقول لي وسبحان الله آآ سبحان الله شاء الله سبحانه وتعالى ان الولد ده مع زمايله بياخد جرعة مخدرات زيادة مات. ومات معه السر. خلاص. حسبي الله - [00:41:50](#)

الله ونعم الوكيل. لو في يوم من الايام عندك فتنة وعندك ذنب ما انتاش قادر تسببه قم بالليل وقل يا رب انت حزني انت وكيلك يا رب اعني هيعينك. والله هيكون الذنب ده لو دعيت ربنا باخلاص. لو عشت مع اسم الله الوكيل بجد. لو دعيت ربنا - [00:42:10](#)
اخلاص واجتهدت في الدعاء اجتهدت في الطاعة ربنا يشرفك ان كان وكيلك لك صدقني. ساعتها ربنا هيعينك على هذا الذنب وهترك هذا الذنب. والله يا اخوانا ستترك هذا الذنب. فاول شيء انك تكون متخذ لله عز وجل وكيل - [00:42:30](#)

فيما يتعلق بايمانك. فربنا يحافظ لك على ايمانك. ويحافظ لك على دينك. عارف ربنا بيقول ايه؟ واعلموا ان الله ها يحول بين المرء وقلبه. يعني ايه يحول بين المرء وقلبه؟ ده المؤمن الطائع على فكرة. ان ربنا يحول بين قلبه وبين المعصية. عارف لما تتحط في فتنة

وتبقى خايقة - 00:42:50

انك رجليك تزل. قال الله وربطنا على قلوبهم اذ قاموا. عارف لما ربنا يقول كذلك لنصرف عنه السوء والفحشاء. ان ربنا وتعالى يكون وكيلك في دينك. وكيلك في ايمانك. يحافظ على دينك وايمانك. خليك دايمًا كده. خليك دايمًا متوكل على الله في هذا الامر -

00:43:10

اجتهد في الطاعة. اجتهد في العبادة. احنا في ايام مفترجة ايام صيام. صوم واجتهد في الصيام الايام اللي جاية دي. وخذ بالك بكل اعتمادك على الله. يا رب آنا توكلت عليك في امر ديني. يا رب ساعدني ان انا احافظ على الصلاة في المسجد. يا رب ساعدني على -

00:43:30

ده صلاة الفجر يا رب البنت اللي من اهل السوء والفساد ابعدنا عني يا رب. ابعدنا عن طريق يا رب يا رب انا ضعيف سبت قلبي وفقني. والله يا اخواني والله من توكل على الله عز وجل كفاه - 00:43:50

هيكفيك كل شيء في يوم من الايام اهمك. علشان كده ربنا سبحانه وتعالى قال لنا ان الشيطان لا سبيل له على امثاله فلهؤلاء اهل التوكل اللي وكلوا امورهم لربنا سبحانه وتعالى. قلوبهم متوكلة على ربنا وكلها ثقة في الله. ما تخافش. ما تخافش - 00:44:10

قال الله سبحانه وتعالى فاستعذ بالله من الشيطان الرجيم انه ليس له سلطان على الذين امنوا وعلى ربهم وعلى ربهم توكل على الله. يعني ايه؟ يعني اللاب بتاعك النهاردة ارجع امسح كل حاجة - 00:44:30

شفت ديليت؟ امسح كل حاجة. ان النهاردة بكل قلب قوي كده وسابت لو صلة انت اللي عندك اقطعها لان ما عنتش عايز اصلا اتفرج على الحاجات اللي مش كويسة. ان اي حاجة على التليفون هتمسحها. خلاص - 00:44:50

انا من النهاردة توكلت على الله. اقسم بالله يا اخوانا والله عن تجربة انت ذات نفسك بتزداد قوة بتحس ان انت زدت قوة كده. ايه ده! اخوانا يا اخوانا التوكل على الله في الامور المتعلقة بالايمان امره عالي اوي - 00:45:10

انا اعرف شاب سبحان الله وده الفرق. فيه شاب كان بيشر ب سجاير. بس سابها علشان صحته. اسبوع ثلاثة اربعة خمسة شهر اتنين ورجعناها تاني. انما اللي سببه متوكل على الله ان ربنا مش هيسيبه. بفضل الله لحد دلوقتي ثابت بفضل الله - 00:45:30

سيب المعصية اللي في حياتك وانت متوكل على ربنا. ومع كل سجدة من سجداك افتكر دايمًا انك تدعي ربنا سبحانه وتعالى وتقول له انت حسبي وانت نعم ان انا اترك الامر ده. الدعوة دي يا اخوانا لها آ بتدي للقلب قوة كده في اتخاذ القرار - 00:45:50

قال ان النهاردة خلاص الموضوع ده منتهي. انا متوكل على الله. اتنين ما عدوك ومع من ظلمك. توكل على الله وسب ربنا يدبر لك الامور. المدينة بالزبط كانت عاملة ازاى المحراب اللي انا قاعد فيه دلوقتي؟ شايفينه؟ دي المدينة. وده كلها جبال من حوالين المدينة

- 00:46:10

الحته دي بس اللي ممكن مشركي مكة لو عايزين يخشوا المدينة ممكن يخشوا منها. لان دي ما فيش فيها جبال. جمعوا جيش قدره عشر مقاتل وجم للنبي صلى الله عليه وسلم عشان يقاتلوه. النبي صلى الله عليه وسلم استشار الصحابة فحفروا الخندق هنا -

00:46:50

وباقى المنطقة خلاص متأمنة بالجبال مش هيقدرنا يطلعوا على الجبال بتاعة المدينة. اشتد الكرب جدا على الصحابة رضوان الله عليهم عليهم لما عرفوا كمان ان اليهود غدروا بقلب المدينة. النبي واقف على اطراف المدينة برة شوية. ويمكن الشباب اللي كانوا معنا

في العمرة وانا بشرح لهم غزوة الخندق - 00:47:10

مكان الخندق عارفين قد ايه المسافة من قلب المدينة من عند الحرم لحد مكان الخندق. مكان بعيد. يعني هو النبي هيقف يحارب على الخندق تحمي الخندق ولا المدينة اللي اصبحت مكشوفة لليهود بني قريظة اللي جوة المدينة الان؟ اذ جاءوكم من فوقكم ومن

ايه؟ ومن اسفل منكم واذ - 00:47:30

الابصار وبلغت القلوب الحناجر. بس اعتمد على ربنا. توكل على الله وسب ربنا يدبر لك الامور. مع عدوك مع الانسان اللي ظلمك مين يظن ان جيش قدره عشر تلاف مقاتل ممكن يغلب في يوم من الايام؟ النبي صلى الله عليه وسلم واقف هو والصحابة حوالين الخندق

يعني ما حدث من الصحابة - 00:47:50

يعني يقدر يسبب المكان ويروح يقضي حاجته ويرجع. من شدة الخوف. مع البرد الشديد اللي اصابهم. مع مرور ثلاث تيام ولسه ما اكلوش مع قدر عشر تلاف مقاتل جايين يقاتلوهم. حاجة يعني فوق التصور - 00:48:10

توكل على الله بس. توكل على الله بس. مع اخذك طبعاً الاسباب لان التوكل لازم يكون معه اسباب. اخدنا طب الاسباب حفرنا الخندق اخدنا بالاسباب. ايه المطلوب؟ سيب الباقي على ربنا. كانت النتيجة سبحان الله. آآ حد من جيش - 00:48:30

المشركين اسلم. ويجي للنبي صلى الله عليه وسلم يعلن اسلامه. يقول له يا رسول الله اخرج انا دي على رؤوس الكفر انا قد اسلمت لا لا استنى استنى استنى. ولكن خذل عنا ما استطعت. خذل عنا ما استطعت. طب اعمل ايه - 00:48:50

شف ربنا سبحانه وتعالى الهمة الله عز وجل فكرة عجيبة جدا. قريش و غاطوفان اللي هم العشر تلاف مقاتل والاحباب عاملين صلح كده او معاهدة مع اليهود بتوع بني قريظة جوة. دول يغدروا من داخل المدينة ودول من برة المدينة - 00:49:10

فيروح لقريش يقول لها اليهود اهل غدر. واهل خيانة. ممكن دلوقتي يغدروا بكم ويا يكونوا مع جيش النبي صلى الله عليه وسلم مع محمد ويحاربوكم. طب احنا نعمل ايه؟ هو كان اسمه نعيم بن مسعود. طب نعمل ايه يا نعيم؟ انت فينا ذو شأن - 00:49:30

وذو رأي فقال لهم لا لا انتم ما تأمنوش لليهود غير لما تجيبوا عشرة من احبار اليهود الكبار قوي وايه وتخليوهم عندكم كراهية قالوا نعم الرأي الصبح ان شاء الله نروح لليهود نقول لهم كده. وقام طالع جري على اليهود. يا معشر يهود اي رجل انا فيكم - 00:49:50

هل انت فينا ذو رأي وذو شأن وذو مكانة؟ انت حاجة كبيرة جدا. قال لهم قريش هتغدر بكم. وستصالح محمد ومن معه والدليل على ذلك انهم سيطلبوا منكم عشرة من كبرائكم ليكونوا عندهم. فخذوا بالكم - 00:50:10

فعندها ثاني يوم الصبح قريش بعثت لليهود قالت لهم احنا عايزين ايه؟ عايزين ايه؟ عايزين عشرة من عندكم فقالت اليهود فقالت يهود صدق نعيم. قالوا لهم لاه ده انتم تجيبوا لنا عشرة من عندكم - 00:50:30

كان طالع جري على هناك قالوا ده هم يغدروا بكم لقريش. وهيطلبوا عشرة من عندكم علشان ايه يسلموهم للنبي ومن معه فروح بسرعة الوفد اللي كان طالع من قريش لليهود راح بصعدا ويقولوا ده اليهود عايزين منكم عشرة. ام المشركين مكة مولين ايه؟ صدق نوعين - 00:50:50

دبت العداوة بين هؤلاء وهؤلاء. بدأ الجمع يتفرق. وبدأ بعدها يدب العداوة بنفس الفكرة ما بين اكبر قبيلتين بين قريش وبين غضفان. و غاطفان خلاص رجعت قريش لقت نفسها لوحدها. يأتي تدبير الملك سبحانه وتعالى - 00:51:10

شوية ريح بسيطة. الريح دي تهب على المشركين. تكون نصرة لرسول الله وعذاب على هؤلاء. سبحان الله! تروح هناك الريح دي تهب على هؤلاء تقتلع الخيام. تكفؤ القدوف وتقفذ الرعب في قلوبهم. يقولوا لا لا ما عدش ينفع خلونا نرجع - 00:51:30

شفتم التدبير؟ ان ربنا يدبر لك ان ربنا يدبر لك. سبحان الله موسى ابن نصير لما اراد انه يفتح الاندلس عشان اقول لك انك تتخذ ربنا سبحانه وتعالى وكيله يبسر لك الاسباب. موسى ابن نصير عايز يفتح بلاد الاندلس. بس فيه مشاكل. المشكلة الاولانية ده عنده جيش

هيعبر البحر - 00:51:50

في المتوسط علشان يروح الجهة الثانية فهو عايز سفن كبيرة مش عنده. اتنين السفن الكبيرة لو توفرت هي محتاجة ميناء كبير ومش موجود ثلاثة هو ازاى هينزل ارضه اصلا ما يعرفش طبيعتها. اربعة عدد جيشه قليل. ولكن - 00:52:20

شاء الله سبحانه وتعالى لصدق هذا الرجل. ولصدق من كان معه ان ربنا يدبر له الاسباب. كان في اقصى المغرب العربي ميناء اسمه ميناء سبتة ميناء سبتة ده كان لقائد صليبي اسمه يولييان. وكانت بتربطه علاقة - 00:52:40

قوية جدا جدا بملك الاندلس في هذا الوقت. وكان يليان ده راجل اقتصادي كبير. كل تجاراته وامواله في قلب الاندلس. حصل انقلاب داخل بلاد الاندلس. في قائد اسمه روزريق قتل ملك الاندلس واستولى على الاراضي واستولى على الحكم. فضاعف -

00:53:00

اموال مين؟ يولييان. فيلين بنفسه اللي راح لموسى ابن نصير. وقال له عايز السفن؟ عندي ولو عايز الميناء اللي يشيل السفن عندي.

ولو عايز خرايط الاندلس عندي. ولو جيشك قليل - 00:53:30

انا معي جيش يطلع مع جيشك كمان يطلع لبلاد الاندلس. الامور دي كانت موجودة مع موسى ابن نصير. انت بس خذ بكل الاسباب وضع ربك سبحانه وتعالى الوكيل يتولى امرك وهو يدبر لك. اللهم دبر لنا فانا لا نحسن التدبير - 00:53:50

واختر لنا فانا لا نحسن الاختيار. من الامور ايضا يا اخوانا ان لازم يكون فيها توكل على الله سبحانه وتعالى التوكل على الله سبحانه وتعالى فيما يتعلق باهلنا واولادنا اهلنا واولادنا حاسين ربنا سبحانه وتعالى يرعاهم؟ ويتولاهم في زمن الفتن. اتوكل على الله. اتوكل على الله - 00:54:10

وشف دعاء النبي صلى الله عليه وسلم. وهو مسافر كان صلى الله عليه وسلم يقول ايه؟ يقول اللهم انت الصاحب والسفر والخليفة في الايه؟ احنا توكلنا عليك ان انت تصلح لنا امر اهلنا وامر اولادنا. يا الله. سبحان الله - 00:54:40

اللهم انت الصاحب في السفر والخليفة في الاهل. نتوكل على الله سبحانه وتعالى كمان في ايه؟ في اوقات الضر واوقات البلاء لما يكون الانسان منا مريض اتوكل على الله خلي عندك ثقة عالية قوي في ربنا سبحانه وتعالى ان ربنا - 00:55:00

يطول عمرك. صدقني والله كم من امراض عجزت فنون الطب عن علاجها؟ ولكن جاء العلاج من عند الله وتعالى هو حسن توكل بس على الله. ثقة في الله. تقول لي ما احنا ياما كنا في يوم من الايام تعبانين وربنا ما شفناش. لان احنا اصلا - 00:55:20

ما وصلناش لدرجة الثقة ولا في درجة اليقين. ولا في درجة التوكل الحقيقية اللي نقول بها اهل. ان ربنا سبحانه وتعالى يرفع عنا هذا الامر. او يرفع عنا هذا البلاء - 00:55:40

وانتم زات نفسكم ياما سمعتم عن ناس كانوا مرضى وكل اطباء قالوا خلاص الموضوع منتهي. ومع ذلك صبروا واحتسبوا وتوكلوا على الله فرفع الله سبحانه وتعالى عنه الضر ورفع الله عز وجل عنه البلاء. يا اخوانا ربنا سبحانه وتعالى هو الوكيل. سبحانه ولكن احنا بتنقصنا دايمًا الثقة - 00:55:50

بينقصنا دايمًا الثقة. احنا نثق في الله سبحانه وتعالى. ان احنا نتوكل على الله سبحانه وتعالى. بص خلي الدنيا كلها تكيد لك وربنا سبحانه وتعالى حسيبك. وربنا سبحانه وتعالى وكيلك. مين هيقدر عليك اصلا؟ مين يقدر عليك؟ وانت ربنا سبحانه وتعالى معك - 00:56:10

من التوكل ايضا اخواني واخواتي هو التوكل توكل المتعلق بالعتاء انك تكون نفسك في حاجة. وتتوكل على الله سبحانه وتعالى فربنا يديها لك بس خلي عندك ثقة ان ربنا هيديك. اول حجتها كان لها موقف عجيب جدا - 00:56:30

اه كان ايماني الواحد عنده بلاء معين كده فقلت انا كل يوم من ليالي العشر او كل ليلة من ليالي العشر انا هختار دعوة جامعة ادعو الله بها. يعني الليلة الاولى مسلا ادعو ان ربنا - 00:57:00

ربنا سبحانه وتعالى آآ يبارك لي في زوجتي واولادي مسلا. الليلة الثانية هدعي ان ربنا سبحانه وتعالى يفتح علي خيري الدنيا والاخرة الليلة الثالثة ادعي ربنا يعني كل ليلة هأخذ دعوة واحدة بس وافضل طول الليل بدعو بالايه؟ بالدعوة دي. سواء في التراويح في - 00:57:20

انا طول الليل انا ما بدعوش الا لايه الا الدعوة دي بس. سبحان الله الليلة الخامسة الليلة الخامسة وعشرين. مش عارف ليه ربنا الهمني انا ادعو بالحج فسبحان الله خدت الليلة كلها دعاء بالحجر بس انا من جوايا يا ابني حج - 00:57:40

حج ايه يعني آآ حج ادعو ربنا بالحج وبتاع بس هو اول ما فيش فلوس انا معيش فلوس صعب القرعة بتاعة الداخلية والكلام ده خلاص هما خلاص وما عدش فيه اصلا. بس هو ربنا قزف في قلبك الذي ادع بالحج. سبحان الله! وخذت الليلة كلها في الايه؟ في الحج. جلسة الضحى - 00:58:00

انا قاعد كده والله يعني قاعد كده وبزكر ربنا سبحانه وتعالى كنت في مسجد السلام ساعتها. قاعد كده وباشكر ربنا سبحانه وتعالى ولقيت كف يعني ما شاء الله كده قام نازل على كتف - 00:58:30

كده الكف ده كف مين؟ يعني هو كف يعني فالمهم انا خير ابص كده لقيته يعني الدكتور حازم الله يحفزه يا رب ويبارك فيه. فقلت له

كفك كف مخبر ما شاء الله - 00:58:40

حازم شوهر اه فلقيته بيقول لي ايه؟ بقول لك ايه؟ قلت له نعم؟ قال لي مش عايز تحج لا قلت له انت بتقول ايه؟ انا كنت معتكف على فكرة. بيقول لي مش عايز تحج - 00:59:00

مش عايز حاجة. عايز طبعاً. قال لي اخز منا فاتح شركة سياحة وعايز مجموعة من الدعاة تطلع معها الحج. تطلع! قلت له اطلع ونص! قال لي الجواز. طلعت وروحت البيت وجبت - 00:59:20

اتجوزت ورجعت اديته لك وانا ناسي اصلاً ان انا معتكف. المعتكف ما بيخرجش اصلاً. ولكن انا ما تموتش من ورجعت قلت سبحان الله يعني سبحان الله احنا كنا التمانية قدمنا تمانية قدمنا هو فيه خمسة ما جتلهمش التأشيرة والتلاتة جت لهم - 00:59:30

تأشيرة اللهم لك الحمد كنت انا واحد منهم. انا والله يا اخوانا الحج كان كم خمس نجوم. وبوفيه مفتوح تحرير سبحان الله وكان احسن حج عملته في حياتي. اللهم لك الحمد انا حجيت مسلاً اتناشر تلتاشر مرة. احسن حجة في حياتي كانت الحجة الاولانية دي -

00:59:50

انا يعني انا اصلاً لما افكر الموقف اقول يعني والله يا اخوانا ربنا كريم. بس المشكلة فينا احنا احنا اللي عندنا مشكلة احنا اللي عندنا مشكلة احنا ما عندناش يعني الثقة في عطاء ربنا سبحانه وتعالى. اعرف حد حبيبي ربنا يا رب - 01:00:10

يكرمه ويفتح بين ايديه. هو عنده دايماً المشكلة دي. اجيبه كده واكلمه توكل واصبر وان شاء الله ربنا يعينك وربنا يوفقك ومش عارف ايه. يومين ويرجع آآ طبيعة البشر يبجي ثاني اكلمه. يا شيخ انا انا بقيت كده يا شيخ! عايز اتجوز يا شيخ! انا الوقتي بيجري يا

شيخ! انا مش عارف ايه يا شيخ - 01:00:30

انا زات نفسي لما بيقعد معي انا بتوتر. يا ابني اهدى. يا ابني ابوس ايدك ارحمني اصبر شوية. ان شاء الله ربنا سبحانه وتعالى هيكرمك ان شاء الله بص اصبر بس. فسبحان الله آآ كان عايز يتجوز هيموت ويتجوز زي حالاتكم كده. الحمد لله اتجوز. بعد -

01:00:50

الجواز والله اول اسبوعين ثلاثة ارحمني يا شيخ وادع لي يا شيخ انا نفسي في الولد يا شيخ. هاعمل ايه بقى يعني حاضر يا ابني اصبر يا ابني كل شيه باوان. كل شيه بمقدار. يا ابني واحدة واحدة - 01:01:10

اخوانا هو بس الانسان منا يبقى مطمئن. ان ربنا وكيل. الانسان منا يبقى على ثقة ان ربنا سبحانه وتعالى سيدبر له الامر. الانسان منا يبقى على يقين ان ربنا سبحانه وتعالى يعني هيدك اللي انت عايزه. ولكن عايز بس - 01:01:30

اقول لك حاجة بسيطة اجتهد بس. ان انت تحقق معنى توكل. ان ربنا سبحانه وتعالى يوفقك ويكرمك وتتوكل عليه. والله العظيم سيفتح لك ابواب سيفتح لك ابواب ما كنت تتخيلها ابدًا. حد من اخوانا اللي انا قابلتهم في السعودية ربنا يا رب يجزيهم خير. آآ -

01:01:50

الاخ ده مشكلته انه كان شغال مع كفيل ظالم شوية. يعني آآ ما فيش ما فيش مرتب الشهر ده. واما انزلك نهائي ويصبر مرة والثانية ويزلمه ويأزيه وبذل ما كان الشغل آآ تمن ساعات - 01:02:20

لعشر ساعات ظن وازى بهدلة. وسبحان الله يقول لي يعني انا خلاص طف صباح الخير. وادعي ربنا يعني حد ما في يوم بقى اتخانقت وهو حسبي الله ونعم الوكيل. يعني خلاص - 01:02:40

قال لي والله لاعمل فيك هاعمل فيك هانزلك اقامة هانزلك بقى خلاص ما عادش لك مكانة في السعودية ومش عارف ايه. يقول سبحان الله بيحضر المشكلة دي حد من اهل المنطقة. حد من اهل المنطقة. هو عارفني كويس جداً. وانا قلت له بص انت ظالم. انت

كفيل ظالم - 01:03:00

انت عملت ايه؟ انت سويت. واذا كنت اكلت فلوسي فانا لي ربنا سبحانه وتعالى مش هيضيع حقي اقسم بالله لخاصيمك يوم القيامة. انا هاعمل فيك واسوي فيك قل سبحان الله وانزل وانا خلاص بجمع حاجتي بقى خلاص انا نازل. يبجي الراجل اللي كان حاضر

المشكلة دي ويخبط على كتفي كده شاب في سنكم يعني هو شاب في سنكم - 01:03:20

ويخبط على كتفي كده ويقول لي يا ابني ما تقلقش. هو بعد ما هيخرجك انا هبقى الكفيل بتاعك. وهجيبك عندي تشتغل معي في الشركة. انا انت عارف صدقك وامانتك واحنا شايفينك معنا في المسجد على طول ومش عارف ايه يقول سبحانه الله وربنا يبذلني بكفيل ثاني ادب وخلق ودين واحترام - [01:03:40](#)

يمسكني الشركة وشاف امانتي وشاف شغلي شاف فعلا ان انا حريص على شغله وحريص على حاجته والله يا شيخ زوجني بنته وما شاء الله لا قوة الا دلوقتي بقى ايه بامال وفلوس كل حاجة بفضل الله بقت ربنا ادهاني. يا اخوانا اذا اتقفل باب - [01:04:00](#) فاعلم يقينا ان في الف باب هيتفتح. بس بشرط انا بقى انا ابقى كويس. انا لو ربنا اداني الشرف ان هو يكون وكيل خلاص كل حاجة في حياتك بتتحل. كل مشكلة في حياتك بتتحل صدقني. مشاكلك كلها هتتحل. انا يمكن قلت لكم قبل كده - [01:04:20](#) انا كنت في مشكلة آآ يعني بعض الناس اللي هو من ميت خميس ميت خميس وميت بدر خميس كان آآ لو حد فيهم زالم او حاجة عند تقسيم الميراس كانوا يجيبوا الاخ الطيب مسلا يقوموا راميينه بعيد عن البلد يدوا له ميراسه من الارض حته بعيدة خالص عن البلد - [01:04:40](#)

وياخدوا هم الاراضي اللي جنب البلد. ظلم وكيد وعدوان ظلم. وتدور الايام. الارض اللي كانت بعيدة ايه ده اوي دي اللي هم نفوه فيها وقالوا لي دي ارضك بقى وخدها ومش عاجبك اقبط دماغك في الحيطه. الارض دي هي ايه؟ حي الجامعة دلوقتي. المتر فيه - [01:05:00](#)

وخمسة واربعين الف جنيه. طب والاراضي اللي هم خدوها هناك؟ ولا حاجة. اصبر وخلي ربنا وكيلك. خل ربنا سبحانه وتعالى وكيلك الوكيل هو الكفيل. الكفيل هو الحسيب الذي يدفع عنك الشر ويدفع عنك السوء. في باب العطاء ارفع ايديك وقل يا رب. عايز - [01:05:20](#)

تتجوز؟ يا نهار ابيض! توكل على الله. خد يا ابني خد كده احتسب اطاعتك وعبادتك وقربك من ربنا سبحانه وتعالى. واطلب من ربنا العون واطلب من ربنا المدد. واطلب من ربنا انه يتولاك ويكون وكيل لك - [01:05:40](#) يساعدك في عمر زي ده. صدقني والله. صدقني والله. هتلاقي ابواب بتتفتح لك. ابواب خير بتتفتح لك اكتر مما تظن. اطلب في باب العطاء دايمًا حسبي الله ونعم الوكيل اطلب دايمًا في باب العطاء انك ربنا سبحانه وتعالى يتولاك صدقني هتلاقي ربنا فاتح عليك بصورة - [01:06:00](#)

جدا ان شاء الله. التوكل يا اخوانا معناه الثقة في الله. زي ما كان ابن عباس رحمه الله رضي الله الله عنهما يقول التوكل الثقة في الله. وصدق التوكل ان تثق - [01:06:20](#)

وفيما عند الله اعظم من ثقتك مما في يديك او في ايدي الناس. انا عايز ميت جنبيه واقع في ميت جنبيه محتاج ميت جنبيه في ايد الحاج ابراهيم ميت جنبيه انا اعرف الحاج ابراهيم بحبه جدا وهو بيحبني - [01:06:40](#) الحمد لله. صاحي من ابراهيم ولا ايه؟ بتحبنى؟ بجد؟ طيب الحمد لله. انك تكون في ثقة. فيما الله عز وجل اعظم من ثقتك باللي في ايدك. وفي ايد الناس اللي بتحبتها. هو ده التوكل. ده حقيقة التوكل. على فكرة ممكن في يوم من الايام واحد يكون - [01:07:00](#) جدا وعنده فلوس كتير جدا جدا جدا. ويثق انه ممكن لو وقع في اي مشكلة ايه اللي يخرججه من المشكلة دي؟ ها؟ الفلوس. وسبحان الله الخذلان كله ييجي من جهة الايه؟ من جهة الفلوس. ممكن والله يا اخوانا والله لما - [01:07:20](#)

حببت زمان اقدم الكلية الحربية كانت الواسطة بتاعتي مدير مكتب تنسيق الكلية الحربية. يعني اللي بيعمل التنسيق اصلا ده اللي كان ابويا جاييها. لما اعتمدنا عليه وتوكلنا عليه اقسام بالله الخذلان كان من عنده. بعد ما قلت خلاص - [01:07:40](#) ابويا كان بيقول لي يا ابني خلاص. انت داخل داخل. والله يا اخوانا ما قال خذلان الا من جهته. اوعى في يوم من الايام يبقى اعتمادك في يوم على حد. خلي دايمًا اعتمادك الكلي والاساسي على الله ان ربنا يوفقك. التوفيق في الحياة - [01:08:00](#) مش بفهلوة ولا بشطارة ولا بجدعنة. التوفيق في الحياة ان ربنا يتولاك. هو ده التوفيق الحقيقي ان ربنا يتولاك. فابن بيقول ان التوكل معناه انك تثق في الله. وصدق التوكل ان ثقتك فيما عند الله اعظم من ثقتك من اللي في ايدك - [01:08:20](#)

وكان الحسن رحمه الله يقول ان التوكل على الله ان يمتلئ القلب ثقة في الله ان القلب ده يتملى الثقة ان ربنا سبحانه وتعالى سينجز لي هذا الوعد. وكان شقيق ابن ابراهيم شقيق - [01:08:40](#)

رحمه الله يقول التوكل هو الطمأنينة القلب بموعود الله. طمأنينة القلب بايه؟ بموعود الله انك لما بتتصدق بصدقة انت قلبك من جواه كله يقين ان ما انفقتم من نفقة فان الله ايه؟ سيخلفها عليك. بالخير - [01:09:00](#)

بالصحة وبالسعادة وبالفرحة. فتلاقي الانسان اللي بيتصدق ويتصدق ويعطي عطاء يعني من لا يخشى الفقر. في مرة كنت قاعد مع حد حبيبي قوي في في الحسنية بكلمه يعني في حالة فقيرة كده كانت محتاجة ثلاث - [01:09:20](#)

تلاف جنينه عمليات. فقال لي اقسم بالله الدنيا واقفة انت شايف اصلا الحسينية عاملة ازاي! ده ما فيش فيها رجل. الحسينية ما كانش حد بيعرف يمشي فيها اصلا. حسام ما فيش حد لا بببيع ولا ببشترى. الدنيا واقفة والله ومش عارف ايه فقلت له يا يا حاج فلان ده انت بالزات بتعلم منك انك لما بتعطي - [01:09:40](#)

مرة ربنا هيخلفك. ايه يا حاج فلان؟ شف انت ممكن تدي بقدر ايه واحنا ان شاء الله نكمل الباقي. سبحان الله هو ربنا سبحانه وتعالى يا اخوانا اللي تصدق ده مش شطارة منه. ده ده توفيق من ربنا. والله يا اخوانا وانا واقف معه. قال لي هي العملية بكم؟ قلت له ثلاث الاف جنيه. قال لي استنى. ادي - [01:10:00](#)

تلت تلاف جنيه. والله يا اخوانا ادي الثلاث تلاف جنيه. فانا قعدت اشكره وقلت له ان شاء الله ربنا يخلفك خير ومش عارف ايه. جا له تليفون. ايوا يا حاج - [01:10:20](#)

تليفون اخبارك احوالك؟ آآ انا عندي ثلاث تلاف مسمار. آآ المسمار على جنيه ونص. ايه رأيك؟ آآ قال لي طب اديني دقيقتين واكلمك. رفع سماعة التليفون. ايوة يا حاج فلان انا عندي ثلاث تلاف مسمار. المسمار على ثلاثة جنيه. تاخد؟ قال له اه ابعت - [01:10:30](#)

هو كسب كام؟ قال لي ادي الثلاث تلاف وادي الف ونص. التوكل معناه ان قلبك يبقى مليان طمأنينة ان اللي انت هتعمله ربنا هيخلفك. ده التوكل. انك تدي عطاء من لا يخشى الفقر - [01:10:50](#)

لان قلبك كله يقين وثقة ان ربنا سبحانه وتعالى هيخلف عليك. توكل توكل في باب العطاء. انك انت بقى المرة دي اللي هتعطي وقلبك كله توكل ان ربنا سبحانه وتعالى هيعطيك ويوسع عليك ويفتح بين ايديك. ده ربنا سبحانه وتعالى. الحياة مع اسماء الله - [01:11:20](#)

حصة جميلة حياة مع اسماء الله الحسنى بتدي لنا امل تدينا فتح كبير جدا. اكتفي ان شاء الله بهذا القدر عشان عايز اقول لكم النهاردة شعبان تلتاشر بكرة اربعتاشر بكرة بالليل ليلة النص من شعبان - [01:11:40](#)

يعني ايه؟ هو ما هو احنا النتيجة مش صح. النتيجة مش صح. احنا جينا متأخرين يوم عن السعودية. آآ الرؤية زهرت ان احنا بعد السعودية بيوم. آآ الشاهد ان ان شاء الله يا اخوانا اولاً احنا كنا صايمين النهاردة وبكرة وبعده ان شاء الله - [01:12:00](#)

بازن الله تبارك وتعالى. بكرة وليلة النص من شعبان. ودي ليلة من اعظم الليالي عند الله سبحانه وتعالى. ورد فيها ثلاثة احاديث صحاح منها قول النبي صلى الله عليه وسلم ينزل ربنا تبارك وتعالى ليلة النصف من شعبان. فيغفر لاهل الارض الا مشرك - [01:12:20](#)

او مشاحن عايزك النهاردة ان شاء الله بازن الله كده تقول اللهم اني اشهدك انني قد سامحت كل من اذاني كل واحد غلط في عرضي غلط في حقي انا مسامح كل الناس. انا ابدأ بكم اهو يا رب اشهدك انني سامحت الناس دي وسامحت كل اللي اخطأ في حقي في يوم من الايام انا مسامح انا عفيت. انا - [01:12:40](#)

عفيت. عايزين نسامح اي حد عايزين النهاردة وبكرة نبات كده قلوبنا بيضة نقية من اي حد ظلمنا. خطيبتك اللي في يوم من الايام ظلمتك سامح عدي سامح وعدي. ان شاء الله ربنا سبحانه وتعالى يكرمك. عايزين نسامح نغفو نسامح بعض. عشان ان شاء الله بكرة ربنا هيطلع - [01:13:00](#)

القلوب واللي هيلقي ان شاء الله قلبه سامحت؟ يا ابني المغفرة اعظم. المغفرة المغفرة اعظم. آآ احنا بقى لنا اكثر من عشرين خمسة وعشرين سنة بنغلط مع ربنا اللي يسامح ربنا يطلع على قلبه. انا سامحته. ربنا سبحانه وتعالى يغفر له. اه - [01:13:20](#)

قل لي انا سامحت انا عفيت الامر الثاني اللي عايز بقى اوصيكم به ان شاء الله. عايزين نشد حيلنا في الصيام شوية. عايزين نشد

حيلنا في الصيام شوية اليومين الجايين دول - 01:13:50

سيدنا انس كان بيقول وكان احب الصيام الى رسول الله صلى الله عليه وسلم الصيام في شعبان. بتحبوا النبي؟ حبوا اللي يحبوا. هو كان بيحب الصيام في شعبه كتر قوي من الصيام في شعبان ربنا يا رب يعينكم ويوفقكم ويفتح بين ايديكم ان شاء الله. حديث اذا انتصف شعبان فلا تصومه حديس ضعيف. حديث اذا - 01:14:00

مصطفى شعبان فلطسمو حديث ضعيف. ومن حسنه من اهل العلم قالوا ده ده اللي يخشى على نفسه الضعف مش هيقدر يصوم في رمضان. بسم الله ما شاء الله كلكم ما شاء الله اصحاب آآ قوة. ربنا يا رب - 01:14:20

ويحفزكم يا رب. الجو حر يا شيخ حرام عليك. معلىش. بس بالله عليك التمر النهاردة مش له طعم. شوية المية اللي انت شربتهم النهاردة مش لهم طعم كده طعم طعم مميز. عشان الجو كان حر وتعبان. فانت لما عملت حاجة لله كنت فرحان بها. عايزين نشد حيلنا في الصيام شوية - 01:14:30

ربنا يا رب يبارك فيكم ويحفزكم. وعايزين نشد حيلنا بقى في القرآن. تالت حاجة مهمة قوي السلف كانوا بيسموا شهر شعبان بيسموه شهر القراء اه كانوا بيسموه شهر القراء. ليه؟ هو احنا قلوبنا راكنة شوية بقى لنا فترة بقى من رمضان اللي فات ما اتحركتش. ركنة شوية. فاحنا عايزين نلين الماتور بتاع العربية - 01:14:50

عشان تتحرك. حتى الميكانيكي كده يقول لك ايه آآ اطلع بالعربية دايم على الطريق السريع ودوس على الاخر علشان المكنة بتاعتها ايه تلين معك فهم كانوا بيستشعروا ان رمضان ان شعبان شهر القرآن اللي هنقرأ فيه قرآن كتير علشان قلوبنا تلين استعدادنا لدخلة ايه؟ انتم مصدقين ان رمضان كمان اسبوعين - 01:15:10

مصدقين ربنا يا رب يعني يسعدكم ويبارك فيكم يا رب. عايزين نشد حيلنا بس الايام دي وربنا يا رب يفتح من ايديكم ونكمل ان شاء الله الدرس الجاي مع اسم الله الوكيل. جزاكم الله خيرا هذا صلى الله على نبينا محمد وعلى اله وصحبه وسلم - 01:15:30

- 01:15:50